

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

35/2019 Foru Agindua, otsailaren 11koa, hasierako onespena ematen diona Zigoitiko udalerriko lurzoru urbanizaezinean, Etxabarri Dilbiñako herriko 6 poligonoko 566 lurzatian, telefonia mugikorreko estazio-gune bat jartzearen interes publikoa adierazteko espedienteari

Telefónica Móviles España SAK Zigoitiko Udalerri obra eta jarduera baimena eskatu dio telefonia mugikorreko estazio-gune bat jartzeko, eta hura egiteko 34 metro luzeko metalezko dorre bakartu bat jarriko da, eta armairu bat erantsiko zaio, dena itxitura perimetralak inguratuta, Etxabarri Dibiñako 6 poligonoko 566 lurzatian. Erabilera berrirako 20 m²-ko azalera egokitu beharko da, eta proiektuan jaso da hiri lurzorutik lurpean linea bat instalatzea hartune elektrikorako.

Zigoitiko Udalak espedientea bidali du, eta eskatu du izapidetu dadila proiektuaren interes publikoaren adierazpena, ekainaren 30eko 2/2006 Legeak, lurzoru eta hirigintzarenak, 28.5.a) artikuluan xedatutakoa betetzeko.

Espedientean dago proiektu tekniko ikus-onetsia, telefonia mugikorreko estazio-gune bat jartzeari buruzkoa (0100511 Etxabarri Dibiña COC: 201806002062 eta COC: 201806002066), baita udal arkitektoak eginiko txostena ere, zeinean adierazten baita lurzoria lurzoru urbanizaezinean dagoela, 4 zonan (itxuraberritu beharreko basogintzako babes zona), udalerriaren indarrean dauden arau subsidiarioen arabera. Halaber, Gobernu Kontseiluaren martxoaren 13ko 122/2018 Erabakiaren kopia eransten da, zeinaren bidez dirualguntzak ematen baitira belaunaldi berriko banda zabaleko sareak hedatzeko ALHko herriguneetan eta zona barreiatuetan.

ONINARRI JURIDIKOAK

Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 3ko 133/2015 Foru Dekretuaren arabera eta sailaren egitura organiko eta funtzionala onetsi zuen Diputatuen Kontseiluaren urriaren 9ko 17/2016 Foru Dekretuko 18.c) artikuluan xedatutakoaren arabera.

Bat etorri 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzekoa den legeria sektorialak edo lurralde antolamenduak interes publikoko deklaratuak zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez deklaratu behar baititu interes publikoko, hogege egunetz jendaurrean edukitzeko izapidea bete ondoren".

Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horren ondorioz, dagozkidan ahalmenak erabiliz, honako hau

XEDATZEN DUT

Lehenengoa. Hasierako onspena ematea Etxabarri Dilbiñako herriko 6 poligonoko 566 lurzatian telefonia mugikorreko estazio-gune bat jartzearen interes publikoa adierazteko espedienteari, zeina Telefónica Móviles España SAK sustatu eta Zigoitiko Udalak izapidetu baitu.

Bigarrena. Espedientea jendaurrean jartzea, hogeit hamar eguneko, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Espedientea Lurralde Antolamenduaren eta Hirigintzaren Zerbitzuan dago interesdunen eskura, azter dezaten.

Gasteiz, 2019ko otsailaren 11

Ingurumen eta Hirigintza Saileko diputatua
JOSEAN GALERA CARRILLO